

Útkomið í A-deild Stjórnartíðindanna 1913.

Konungsúrskurður um sjerstakan íslenskan fána, undirskrifaður af konungi 22. nóvember 1913 (A. nr. 68, bls. 199).

Brjef stjórnarráðsins til biskups um embættislán handa Eydalaprestakalli. 1

Eftir móttöku brjefs yðar, háæruverðugi herra, dags. 17. f. m., hefir 10. febr. stjórnarráðið ákveðið að veita sóknarprestinum að Eydölum 500 kr. embættislán úr Kirkjujarðasjóði til þess að koma á vatnsleiðslu í íbúðarhús og fjós á prestssetrinu. Þó er áskilið, að bendingum landsverkfræðingsins um verk þetta, er hjermeð fylgja í eftirriti, sje nákvæmlega fylgt og verkið samviskusamlega af hendi leyst. Lánið veitist gegn 4% ársvöxtum og endurborgast á næstu 25 árum með 20 kr. afborgun á ári, og verður lánið ekki útborgað fyrir en verkið er fullgjört og kemur að tilætluðum notum, og skoðunargjörð liggur fyrir frá dómberum mönnum þarum.

Verði halla sogpípunnar ekki komið fyrir svo sem verkfræðingurinn segir fyrir um, verður, eins og þjer hafið bent á, að byggja hús yfir brunninn og þrýsta vatninu þaðan heim að húsi (sbr. Búnaðarrit XXII, bls. 98—99).

Vatnsleiðsla þessi öll, þarmed talin skýlisbygging yfir brunninn, ef til hennar kemur, verður eign prestakallsins, og ber presti að halda henni vel við, og skila henni á sínum tíma í góðu standi eða með fullu álagi.

Þetta er yður hjermeð til vitundar gefið til leiðbeiningar og frekari birtingar.

Brjef stjórnarráðsins til sýslumannsins í Suður-Múlasýslu um flutning þingstaðar. 2

Samkvæmt tillögum yðar, herra sýslumaður, í brjefi, dags. 3. f. m., og 17. febr. beiðni hreppsnefndarinnar í Eiðahreppi, veitir stjórnarráðið hjermeð samþykki sitt til þess, að þingstaður umgetins hrepps sje fluttur frá Eyvindará að Breiðavaði, með því skilyrði, að hreppsnefndin annist um að til verði á hinum nýja þingstað hæfilegt hús til þinghaldanna.

Þetta er yður til vitundar gefið til leiðbeiningar og til frekari birtingar.

Brjef stjórnarráðsins til sýslumannsins í Mýra- og Borgarfjarðarsýslu um flutning þingstaðar. 3

Samkvæmt tillögum yðar, herra sýslumaður, í brjefi, dags. 1. þ. m., og 10. mars beiðni hreppsnefndarinnar í Stafholtstungnahreppi, veitir stjórnarráðið hjermeð

3 samþykki sitt til þess, að þingstaður umgetins hrepps sje fluttur frá Hamraendum
 10. mars til þess staðar hjá Hlöðutúni, þar sem stendur nýbygt barnaskólahús hreppsins, með því skilyrði, að hreppsnefndin annist um, að til verði jafnan á hinum nýja þingstað hæfilegt hús til þinghaldanna.

Þetta er yður til vitundar gefið til leiðbeiningar og til frekari birtingar.

4 **Brjef stjórnarráðsins til bæjarfógetans í Reykjavík um innflutning á hundi.**
 12. mars Stjórnarráðinu hefir borist beiðni frá tannlækni V. Bernhöft um, að honum verði leyft að flytja hjer í land hund frá Færeyjum.

Eftir að hafa leitað álits dýralæknisins í Reykjavík um þetta mál hefir stjórnarráðið samkvæmt lögum nr. 56 frá 10. nóv. 1905, sbr. lög nr. 25, 9. júlí 1909, veitt leyfi til þess með eftirfarandi skilyrðum:

- 1) að hundinum fylgi vottorð dýralæknis í Færeyjum um að hann hafi verið heill heilsu við útskipun þar, og að hann sje fluttur hingað beina leið,
- 2) að dýralæknir skoði hundinn áður en hann er fluttur hjer í land og hafi ekkert við heilbrigði hans að athuga,
- 3) að hundinum sje haldið í sóttkví, svo að hann komi ekki saman við aðra hunda, undir umsjón dýralæknis í 8 daga, og hann eftir þann tíma reynist að öllu leyti heilbrigður.

Þetta er yður, herra bæjarfógeti, hjermeð til vitundar gefið til leiðbeiningar, að því viðbættu, að nefndum tannlækni hefir verið tilkynnt þetta hjeðan.

5 **Brjef stjórnarráðsins til bæjarfógetans í Reykjavík um innflutning á hundum.**
 18. mars Stjórnarráðinu hefir borist beiðni frá Jóhanni kaupmanni Jóhannessyni hjer í bænum, fyrir hönd Björns læknis Jósefssonar, um að honum verði leyft að flytja hjer í land 2 hunda frá Danmörku.

Eftir að hafa leitað álits dýralæknisins í Reykjavík um þetta mál, hefir stjórnarráðið samkvæmt lögum nr. 56, frá 10. nóv. 1905, sbr. lög nr. 25, 9. júlí 1909, veitt leyfi til þessa með eftirfarandi skilyrðum:

- 1) að hundunum fylgi vottorð dýralæknis í Danmörku um, að þeir hafi verið heilir heilsu við útskipun þar í landi, og að þeir sjeu fluttir hingað beina leið,
- 2) að dýralæknir skoði hundana áður en þeir eru fluttir hjer í land og hafi ekkert við heilbrigði þeirra að athuga,
- 3) að hundunum sje haldið í sóttkví, svo að þeir komi ekki saman við aðra hunda, undir umsjón dýralæknis í 8 daga, og að þeir eftir þann tíma reynist að öllu leyti heilbrigðir.

Þetta er yður, herra bæjarfógeti, hjermeð til vitundar gefið til leiðbeiningar, að því viðbættu, að nefndum kaupmanni hefir verið tilkynnt þetta hjeðan.